



Dana 14.07.2014. godine, pod pokroviteljstvom Opštine Danilovgrad, a u organizaciji JU Centar za kulturu, otvoreno je Spuško ljeto 2014.

Prisutne, na još jednoj u nizu tradicionalnih manifestacija u našoj opštini, pozdravio je direktor JU

Centar za kulturu Dejan Vuković, nakon čega je uslijedio bogat kulturno-umjetnički program, ispunjen igrom i pjesmom, na zadovoljstvo mnogobrojne publike.

Učešće na otvaranju navedene manifestacije uzeli su Zoran Kalezić, Andrijana Božović i Maša Vujadinović, koji su svojom pjesmom uljepšali noć otvaranja Spušskog ljeta.

Otvaranje navedene manifestacije obilježilo je i ove godine, kao i prethodne, učešće folklornih ansambala učesnika Internacionalnog festivala folklor. Ove godine to su bili folklorni ansambli iz Italije "Lipististacoppi", Bugarske KUD "Segenčica", Srbije Akademsko društvo "Branko Krsmanović", Bosne i Hercegovine KUD "Hercegovina" i Makedonije KUD "Mladost". Takođe, u noći otvaranja Spušskog ljeta, publici su se predstavili i KUD „Boka“, FA Danilovgrad“ i FA „Oro“. Navedeni folklorni ansambli su tradicionalnim igrama, zemalja iz kojih dolaze, doprinijeli da večer otvaranja ove manifestacije, u prirodnom ambijentu ispod spuškog mosta, protekne i ovog puta u pozitivnoj atmosferi.

Ovom prilikom su folklornim ansamblima uručene i zahvalnice za učešće na II Internacionalnom festivalu folklor, koji je sa uspjehom i ove godine održan u našoj opštini.





U večeri otvaranja Spušskog ljeta 2014. odigrane su i revijalne utakmice veterana „Budućnosti“, „Sutjeske“ i „Iskre“.